



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1738. usque ad annum 1740

**Fleury, Claude**

**Augustæ Vindelicorum, 1786**

**VD18 90119355**

§. 3. Quorumdam rebellium Parochorum Pariensium oppositio contra eandem Pontificis Constitutionem.

---

[urn:nbn:de:hbz:466:1-67878](https://nbn-resolving.org/urn:nbn:de:hbz:466:1-67878)

Sæc. XVIII.

A. C. 1738.

§. III.

*Quorundam rebellium Parochorum  
oppositio contra hanc Beatifi-  
cationis Bullam.*

Hæc Parlamenti temeritas, datique exempli pravitas tantum habuit virium, ut Jansenistæ hujus Magistratus patrocinio tuti aperta fronte Pontificiam hanc Bullam impeterent: Ex his præcipue non sine æterno Parisini Status Ecclesiastici dedecore viginti Parisiensis Urbis ac suburbiorum Parochi ore & calamo sese Pontificiæ huic Constitutioni opposuerunt; postquam enim a Pastoralis Senonensis Archiepiscopi Instructione appellaverant, & desuper suum Parlamento libellum supplicem porrexerant, haud temere judicabant, se ex eorum numero esse ac designari, qui in præfata Bulla §. 1. *Novatores* vocantur, & *falsis fictisque* (Parisii & aliorum) *miraculis suos errores diffundere, pacem Catholicæ Ecclesiæ turbare, & simplices ab unitate Romanæ Sedis abducere* redarguuntur: Tam atris, veris tamen coloribus, se in publica hac & Apostolica tabella depingi, iniquissimo animo ferebant Janseniani hi Parochi, ac propterea de ultione inter se sedulo consultabant. Omnium ta-  
men



men opinio eo abibat, nullam ab hac Sæc. XVIII.  
 Bulla appellationem esse interponen- A. C. 1738.  
 dam; recens enim erat memoria in-  
 faustæ sortis, quam nupera eorum ap-  
 pellatione Anno 1735. die quinta Maij  
 incassum interjecta subire cogebatur:  
 Alia ergo incedendum erat via, eaque  
 magis expedita, quam illis aperuit nu-  
 perum Parlamenti edictum, ex quo,  
 cum omnia priora edicta fuissent inno-  
 vata, rite inferebant, nec hanc Cano-  
 nisationis Bullam fore acceptandam,  
 nec in Regno executioni dandam, proin-  
 illam utpote publica auctoritate desti-  
 tutam impune oppugnari posse. Eo fine  
 in consilium adhibuerunt decem Par-  
 lamenti Advocatos, quos pari labe in-  
 fectos facile ad sua vota inclinare pot-  
 erant. Hi ergo die decima sexta Ja-  
 nuarii tumultuario labore Consultatio-  
 nem consarcinant, eamque publicis  
 typis evulgant, sub hoc titulo: *Pari-*  
*sini Parlamenti Advocatorum consultatio*  
*circa Bullam SS. D. N. Papæ editam die*  
*decima sexta Junii Anno 1737. inscriptam:*  
*Canonisatio Beati Vincentii a Paulo*  
*unacum oppositione illorum Parisiensium Pa-*  
*rochorum, qui contra Senonensis Archi-*  
*episcopi Instructionem occasione miraculorum*  
*libellum supplicem Parlamento obtulerunt*  
 Anno MDCCXXXVIII. In hac consul-  
 tatione Advocati hanc discutiebant  
 quæ-



Sæc. XVIII. quæstionem: „An hi Parochi contra  
 A. C. 1738. „præfatam Bullam jure reclamare pos-  
 „sint, & quam viam hac in re ingredi  
 „expediat? ad hoc responderunt, hos  
 „Parochos in hac Bulla diffamari, dif-  
 „famationem autem esse legitimum ti-  
 „tulum appellandi contra omnes Bullas;  
 „cuicumque enim civi suum honorem  
 „& famam contra iniquos aggressores  
 „defendendi jus competere, & Regni  
 „leges nunquam permittere, ut cujus-  
 „cunque fama sub prætextu exercendi  
 „muneris Ecclesiastici libere & impune  
 „impetatur: minus vero licere, per  
 „Bullam, quæ quo solemnior, magis-  
 „que publica esset, & defunctum Ca-  
 „nonisatum in exemplum omnibus fi-  
 „delibus proponeret, eo graviolem, ma-  
 „gisque notoriam diffamationem fieri  
 „viventium Regis subditorum & quidem  
 „intra Ecclesiæ sinum singulari digni-  
 „tate insignium; id quoque periculo-  
 „sius adhuc esse, eoquod in ejusmodi  
 „Bulla diffamationem contineri, tam  
 „facile non credatur, hac ergo ratione  
 „Viros, quorum honor ac famæ integri-  
 „tas Ecclesiæ, Statui & Religioni op-  
 „pido utilis est, in Canonisationum  
 „Bullis impune diffamandi via Ro-  
 „manæ Curie aperiretur., His præ-  
 „missis, Parisiensium Parochorum ho-  
 „norem & famam inique lacerari per  
 hæc

-sup



hæc Bullæ verba! *Novatores, falsis &c.* Sæc. XVIII.  
 Advocati inferebant; dolendum tamen A. C. 1738.  
 vel maxime, quod hi Oratores con-  
 ductitii in exclamationes & querelas  
 effusi comprobare neglexerint, eos non  
 fuisse *Novatores*, falsa fictaque mira-  
 cula non divulgasse, non turbasse pa-  
 cem Ecclesiæ, &c. quod tamen, sicut  
 facti evidentia constat, ita contrarium  
 sole clarioribus argumentis ostendere  
 debuissent.

Postea Advocati ipsam Bullam in-  
 sectantur, eo quod Canonisationem qui-  
 dem obtenderet, re ipsa tamen per illam  
 sacratissima Franciæ jura impetere, eis-  
 que opposita inculcare, & Ecclesiæ  
 Gallicanæ libertates labefactare inten-  
 deret; Inter hæc jura referebant I. quod  
 causæ & controversiæ in Regno enatæ,  
 cujuscunque sint conditionis, primo  
 intra Regnum examinandæ & dijudi-  
 candæ sint, priusquam ad S. Sedis  
 Tribunal deferantur. II. Quod Pon-  
 tifex etiam *ex Cathedra* loquens non sit  
 infallibilis, proin ejus decisio examini  
 subjecta sit, nec definitio censeatur,  
*nisi Ecclesiæ assensus accesserit.* Primum  
 hoc principium per Bullam everti ar-  
 guebant Advocati ex eo, quod tan-  
 quam virtus vel maxime heroica, si-  
 des viva, Zelus, & magnanimitas de-  
 prædicetur, quia S. Vincentius hortatus  
 sit



Sæc. XVIII.  
A. C. 1738.

fit octoginta quinque Galliarum Episcopos, ut clam irrepentem morbum & latentem pestem ad culmen Apostolatus, (ad Cathedram Petri referrent, missis ad Innocentium X. literis §. 32. Cetera, quæ in hac Constitutione continentur, nil aliud sunt, nisi antiquæ Jansenistarum næniæ, exaggerationes, vana suorum elogia, & de everfis Regni juribus, ac Ecclesiæ Gallicanæ libertatibus ad nauseam usque recocta lamenta, ac denique non minus atroces calumniæ in S. Vincentii gesta effusæ, ac Genevæ Pontificum facta protervo dente vellitari & arrodi solent. Nihilominus tamen hi Parochi de hoc scripto tam secunda Minerva elaborato mirifice ostantes nondum quidem contra hanc Bullam *appellationem ab abusu* interponere audebant, interim tamen velut mitiore via incedentes coram Procuratore Generali declararunt, quod sese unanimes *opponant*, ne ullæ Regiæ literæ aut mandata in favorem hujus Bullæ extorta aut extorquenda ad acta referantur, salva tamen semper, si opus fuerit, ipsam hanc *appellationem* interponendi libertate. *Hanc oppositionem* præfati Parochi die vigesima secunda Januarii suo chirographo & sigillo firmarunt.

§. IV.